

不遵此法作踐損壞就拿送法司問罪枷號示衆以
驚其餘

禁約作踐榜亭

約問軍民詞訟

革主文以除民害

成化十五年二月二十三日禮部等衙門爲建言民情事
會同各部都察院通政使司大理寺六科給事中會
議得所言事件宜從吏部等衙門查勘定奪照例
施行具題奉

聖旨照例欽此

計開

一件修理校榜浙江嚴州府役滿典吏王穎言臣切
見天下大小衙門設立校亭抄謄節該奉

聖旨事例昭示天下人等遵依毋犯法度共享太平近年各處榜
亭多有坍塌官吏視為泛常不行修理致將

旨意板榜日照雨霖脫落在地朽爛不雇軍民將貨物排列堆架
在地穢污不堪視嚮如市如蒙乞

勅都察院脩榜行各衙門將板榜亭修理遵守將欽奉

聖旨事理榜文重新刊版明白懸掛曉諭使人欽遵不許軍民將
貨物在內變賣擦損庶得法度巡行人知驚悞

前件行都察院禁約

作踐東西公生門并東西朝房前後街道者

問罪枷號例

成化十七年十月十六日都察院右都御史戴 等

題為禁約事准工部咨管膳清吏司案呈

內府抄出內官監太監張興題即今蓋造

公生門并朝房已完臣看得東西公生門并朝房俱係官民

往來之路百官待漏朝參處所有等看房之人不畏

法度帶同家小住坐及容留閑雜人等在房蒸造酒

食寄放板箱貨物在彼營運買賣不謹風火以致燒毀

房屋即今修蓋所用人工木石等料動以万計方得完

備况又有等不知禮法官員人等時常在於門廊下拴

放馬匹拋撒穢污作踐要行工部錦衣衛各差官員

并該管地方御史督同兵馬官吏火甲人等巡視拿問